

# OMUKWETU





## Nakambale okwa mono peni ohole yetumo?

### Otatu lesa shike?

Moshifo sha tetekele shika, otwa popya okanyolo noonkondo dhako. Shika osha kwatelela mo iinyolwa ayihe hatu yi lesa kutya, oya tungwa muunyolo

Ihe ompumbwe yepulo kutya, oshike tatu lesa otayi holola okwaagwana nawa kwiileshomwa, nenge kwomadhiladhilo ga hololwa nawa molupe lwembo, okutungwa oshigwana.

Sigo oompaka oku na omadhiladhilo ga popiwa ga li ga simana maantu, ihe ngashingeyi oga dhimbiwa oshoka inaga nyolwa. Oku na oondunge odhindji dha hololelwe, ihe odha kana po owala, oshoka inadhi tulwa molupe lwembo dhi leshe komapipi tage ya.

Omukalo nguka ogwa fa omuntu ta tema omulilo kaagu na iikuni nenge omahooli.

"Ohatu mu tyavele ngaa oikuni, nye mu teme omundilo," osho omugundjuka Israel Neumbo a popile sho ta tumu iinyolwa ye koshifo shika.

Kutya oshike tatu lesa, otashi tu thiminike tu dhiladhile nkene tu na okwiimonena omambo, iifo niileshomwa kehe tatu yi pumbwa, nenge okunenepeka omahala mpoka iinyolwa tayi adhika kaaleshi yayo nuupu.

Ndongo onena oondunge nomadhiladhilo omawanawa otatu ga adha momambo gOshiingilisa shoka sha tseyika kuyamweyamwe, nenge omelaka lyOshiafrikaansa shoka ihaashi itakekwa komuntu kehe.

Ehwamo lyokulundulula omambo ngaka nehala lyokutungwa omakwa wo pamukalo gwoshigwana nopaumpumbwe yasho, shika etyayo lyiikuni komuntu a dhimbulula uutalala woshigwa.

Ositola yomambo, mOniipa, oya longo oshindji sigo ompaka moku-tandelitha omambo mokati kaaleshi, noto hala okutya, ando kwa li ishewe ehala ekwawo lya fa ndika tali longo oshilonga shoka.

Oshiwana shoka andola, ihe ehala ndyoka otali pewa olunza lwiinyolwa peni, ngele nomositola ndjika yi li po ooraka odhi li owala inadhi udha? Otashi ti kutya, pamwe aanandunge naanawino womadhiladhilo ga yela osho wo mbo-ka yu uvite ethiminiko moomwe-nyo dhawo okulonga oshilonga shoka, ihe sigo ompoka oya mwena owala, inaa tsakanitha natango oshinakugwanithwa shawo. Ihe oluhepo lwiileshwa moshigwana olwo emanya lyoshini mothingo yasho.



Nakambale okwa li a dhiginine iilonga noyokomake wo

Otatu tseyi nawa edhina Nakambale, unene tse yopethimbo ndika, ihe itatu tseyi we sha oshindji kuye.

Ye mwene manga inaa mana oondjenda dhe okwa hokolola okukalamwenyo kwe pafupi ngeyi. Nando sha fa oshishona natango, onkene ngaa oshi na ondilo onene momatsi getu.

Martin Rautanen (Nakambale) okwa valelwa megongalo lyaNova-solka, moshilando shaInkeri mu-Soomi. Moshilongo shoka aantu ye na okulonga iilonga yawo oyindji iidhigu kooyene yomikunda nokufuta oompale odhindji. (Dhimbulukwa, pethimbo ndyoka Soomi inali manguluka). Egumbo lyaandja Rautanen ka lya li enene. Ohe opo a wape okudhiginina nawa egumbo lye nokufuta oompale, okwa hingi wo ofraha koshilando shopopepi, onke halwindji a kala pegumbo, yina awike a dhiginine egumbo pamwe noyana.

Martin okwa li omumati mokati kaamwayina aakadhona yaali. Iilonga ya longwa nuudhiginini uunene.

Oya longo iilonga yomapya noyokutungwa oongulu, tayi pula oondunge nethimbo olindji yi vule mpaka mOwambo, nando pomasiku ngeyaka oondjugo dha kumbwa wo naanaa ngaashi aahongi ye shi ta-

meke wo naampaka. Iilonga yomikunda oya li yi na okugwanithwa, onke olwindji aanona oya litha uusiku uukambe wawo.

Yina Anna Rautanen okwa li omuyuuki. Aanona ye kwe ya putudhile Kalunga nometilo lye. Okwe ya longo wo okulesha nokugalikana. Oohapu dhaKalunga dha leshe nodha dhigininwa megumbo yawo.

Osoondaha, esiku lyaKalunga aniwa, olya tegelelwa nenyanyu.

Nesiku ndyoka yina okwa yi mongerki, naanona ya hokwa okuya pamwe naye.

Omusita gwaandjawa, Zilliakus okwa li ha lele omagongalo gatatu. Osoondaha okwa uvitha mongerki yimwe yaandhoka palufo lwe. Oongerki mbali odha li popepi kashona naRautanen ngaashi Oniipa yi lyaathane nOlukonda (oomaila 5 lwaampoka). Ano okamati Rautanen okwa li ke hole okuya mongerki ndhoka pamwe nayina. Moondjenda ndhoka yina nomwana oyi idhimbulutha oohapu dheuvitho nokwiilonga oondunge dhalyo. Uukuume wa kola neuvathana lyo opala lya kolekwa ngeyi pokati kayina nomwana.

Olwindji ya yi wo ya ka talele po

## Nakambale

omusita Zilliakus. Oye okwe ya hokololele omahokololo nomavi, naantu yi ili noyi ili miilongo niilongo, noku ya tseyithila wo oshilonga she-tumo maantu mboka inaa tseya natango Kalunga kashili naJesus.

Omusita okwa hokwa okamati Martin, sho e mu dhimbulula kutya, oha pulakene noha pungula oohapu e dhi uvu nenge e dhi lesa. Omusita okwi indile yina, Rautanen a kale kaandjawa a longwe pamwe naanona ye. Yina okwe shi zimine nenyanyu manga iilonga yokegumbo iifupi, oshoka a hala omwana a longwe, naashoka ishewe momukunda gwawo kamwa li oskola.

Manga Martin kwa li po okamati koomvula 13, he okwa si. Yina naanona ya kala nokudhiginina egumbo. Martin, nando omunona, okwa li e na okulonga oshilumentu. Sho kwa yi kepya nokwa kwata koshipululo, osha li po oshidhigu, omahodhi oga kengele momeho ge. Osho wo sho a londo pombanda yoongulu okukumbulula niilonga iidhigu iikwawo oyindji, oye mu limbilike. Kakwa li ku na iimaliwa okufuta aakwathi miilonga. Nena yina okwa longo omwana okukonga ekwatho kuKalunga.

Martin okwa vulika kuyina, no-sho a yelekulula ishewe okwa mono oonkondo odhindji, niilonga inayi mu nyenga we.

Martin okwi ilongo muugundju-



Ya longa nokugalikana

ka we okwiinekela Kalunga noku-mona ekwatho lye miilonga yope-gumbo. Ihe iilonga yoshiwike nando ya li po iidhigu ngeyi, oondjenda dhokuya mongerki inadhi ethi-wa nando.

Esiku limwe sho ya yile komusita, okwe ya tseyithile kutya, muHelsinki pokufu otamu tamekwa osikola, moka aalumentu aagundjuka taa longekidhilwa okutumwa kiilongo

**Okatalekonawa oka kwatha oyendji, noya vulu okuhilwa kevangelii. Mbaka otaa tala omuhongi David Livingstone ta lesa oohapu dhaKalunga Jesus osho [a lombwele aalanduli ye: "Ileni mu tale."**



yaapagani ye ya faalele oohapu dhomwenyo.

Osoondaha ndjoka yina nomwana ye ende ya mwena, inaa popya sha, ihe ya dhiladhila shimwe.

"Meme, nangame wo onda hala okuya mosikola ndjoka omusita kwe yi popi, nangame ndi tumwe okulonga aapagani okutseya Kalunga ketu, e tu monithile uuwana-wa owindji u thike mpaka." Ihe ngoye meme to wapa ngiini okukala waa na ndje?"

"Kalunga ne ku yambeke omumwandje, tandi nyanyukwa unene Kalunga nge a hala okulongitha omumwandje oshilonga she, nena e na okuldhiginina ndje wo".

Oomwenyo dhawo ayehe dhu udha enyanyu. Osondaha ya landula omusita okwa hokololelwa wo oshinima shoka, noye wo okwe shi nyanyukilwa, nokwa tameke okulongekidha Martin mosikola ndjoka a taambwe mo.

Okufu yina a thindikile omwana kuHelsinki, moka inaa enda mo nale. Ondjila oya li po onde nopethimbo ndiyaka kape na manga iihauto nenge omashina, ihe oya thiki ngaa kuyele. Omugundjuka Martin a taambwa moskola, na yina a shuna kegumbo. Pethimbo lyosikola Martin okwa ka talela po yina naamwayina lwaali aluke, nosikola oya li ya kala oomvula ntano.

Osikola sho ya pu, yina okwe ya olutiyali muHelsinki, okulaleka omwana ngoka ta yapulilwa oshilonga she, a ye kokule kaapagani, kOwambo. Osho ngeyi Nakambale Kanene Kalunga okwe mu putudhile Aawambo. Ano opwa li wo ompito ndjoka Anna, yina yaNakambale e mu indike kosikola oshoka okwa li e mu pumbwa unene. Okwa gandja omuholike gwe nomwenyo omwanawa. Ehambelelo oli thike peni kAawambo, Kalunga sho ta nengeneke oomwenyo dhoonakugandja omagano omanenenene.

### OVAMATI VOMOILONGA MEEPATE

Ovamati ovo tava longo meefuka daShivanda nodaShomeva otava indile ovafita novaevangeliste ve va talelepo luhapu needjovo dOmwene. Ove na ondjala nodjuulufi okukala omutumba nokupwilikina Omwene eshi te va popifa nombili.

Otava indile okwiilikanenwa alu-she, opo va pewe eenghono deitavelo lashili nodopalutu yo, va du-le okuwanifa oilonga yavo yefiku keshe.

Otava kundilepo aveshe have va yakula nondjovo ei Ps.22:23. "Edina loye nda hala ndi li udifile vakwetu, nomokati keongalo nda hala oku ku fimaneka."

# Omalalakano gamwe omawanawa

Ando mokukala kwomuntu kamu na omalalakano gasha, ando ihapu tompolwa sha naanaa. Mpaka otwa dhiladhila omalalakano omawanawa ngoka taga tungu omuntu kombanda nomeni.

Tango otandi gandja ombili kaaleshi ayehe yoshinyolwa shika kutya shaa ngoka itula mo ngoye mwene noku shi dhiladhila kutya pamwe ongame ndi li ngeyi, oshoka otu na egamo okudhiladhila nima na nima pamwe oyo taa popiwa nenge oyo ya gwana ya leshe oshinima shika. Etha mukweni ngoye u itule po pehala lyoye.

Tango tu taleni iinima yimwe tayi tu etele oshiponga notayi tu shekitha noku shekitha wo edhina lyaKalunga momagumbo nosho tuu palwe.

**Uuhethi:** Ngele tatu popi uuhethi mbalambala omuntu oha dhiladhila kutya okwaaiyopaleka. Eeno, nakwo wo opo ku li, ihe uuhethi owa kwatelela mo iinima oyindji.

Natu tye oho longo piilonga iivanawa, ho kwata iimaliwa tayi gwana okupalutha aanegumbo naayenda yoye muuyuni mbuka weputuko, ihe itashi ku kwatha sha ngele iimaliwa oto yi kwata nuhethi. Tashi ti oto yi halakanitha po pamukalo inaagu uka. Ngele ku na aanona nenge ngele ku lwete mpo to longitha iimaliwa yoye, ihwepo u pungule kopoosa nenge kombaanga, opo yi ke ku kwathe esiku to yi pumbwa shili.

Kandi shi naanaa kutya otandi ku yelithile ngiini oshinima shika, ihe tango dhimbulukwa kutya, oonkondo owe dhi pewa kuKalunga, opo u longe iilonga u mone mo shoka tashi ku kwatha kolutu nou kale u uvite elago. Kalunga ta yemata mokutala mbyoka e yi ku pe sho to yi longitha nayi.

Inda u tale megumbo lyaangoka ha taamba ondjambi ombwanawa u tale iikumitha niikungitha yowala. Mu tsa mpo ha lala u tale nkene puukumbyatha hapu lala ombwa hwepo; ando dha li hadhi lala piikumbyatha. Iinima oya luudha nayi, yo oya nika, ihe omuntu oti itala oyo ngaa aadhengipombanda. Ngele oku na po ando nokambete nando kaa na etalasho, nena oyo tuu haa yi moohapu.

Okanyakwi ka pungulilwa aayenda megumbo lya tya ngaaka ito ka aadha mo, oshoka kake na sho taka landwa nasho. Omuntu ota hupu shokadhila, shoka she ya pe-

## OTAVA HOMBOLA NATANGO

Abner Nepolo vo naPriskilla Matias, Petrus Josef Nangolo vo naHelena Haufiku.

Kaanave, e li Ediva IEendobe laNauwanga, lomado kaafukulwa. Ovakulukadi va loloka oku kwilila. Umwe ota vele noku li omaulu, eshi a li ta nhuka ongonhaanguda. Hai ti: Oko omu li ko ngaali?

Va dulika kOmwene Mat. 19:4. Inava hala va kale molupe leemwe, hadi lile ovanhu meemhalungushu. Unoo, unona! Omwene ne mu yambeke. Ovakulunhu vounona ava, omailikano eni a udika. Iya, iya, wilililili! E hee! Namulopoto ondema i dule ooina iyaloo, iyaloo!

**Malakia Hauuanga**

ke otashi uka kokana ashike. Tse otatu li manga tu na omwenyo, osho omuntu oti ipopile. Esiku ku na aayenda ota kanitha R15.00 momakende. Ongula sho taku shi okwa tala moombuli. Okuza mpoka otaka lya oongunga R30.00 nando ha taamba ondjambi R18.00 nenge yi vule po komwedhi. Pungula nawa iimaliwa yoye shi vulithe oku yi longitha komukalo gwa puka.

**Okulya oongunga:** Oongunga ohadhi igilile omuntu notadhi mu etele uudhigu. Omuntu ota tameke ha hehela kashona nakashona sigo ota haluka owala e na oongunga R100.00 Itashi ti kutya omuntu kee na okuhehela, aawe, ihe konima kambadhala okushunitha mbala. Ino hehela wo uumaliwa uushona kaantu oyendji, oshoka nawo otawo ka shituka omwaalu omunene tagu ku nyenge. Iidhidhimika kushoka.

**Uuyogoki:** Onde ende megumbo limwe meka nda mono oshikumitha momemo ga-

ndje, sho aantu oya thiki ando ponkatu yokuuva ko kutya, iiyaha ohayi yogwa ngele ya lilwa, ihe kaye shi kutya ohayi yogelwa peni. Sho tuu omukulukadhi a mana okuyoga oonguwo, ye ota tula mo iiyaha, opo aniwa etutu lye lyaa hepe. Hwepo ando a tulile mo nando oshikumbatha metutu ndyoka shi vulithe okutula mo iiyaha hayi lilwa. Pomahala gamwe onda mono wo nkene omuntu ti iyogele moshipala mokayuma kuusiku (nagpot).

Dhimbulukwa kutya koshipala shoye oko oku na omeho nga ge na ondilo onene nando iilyo ayihe oyi na ngaa ondilo. Omuwambo ta ti: "Kulupa nomeho." Ano yaalela omeho goye oshoka mokayuma ohamu yi iyekelwahi yi na oombuto dhuuvu. Longitha iikangwa oshoka oya ha.

**Ombili yuukuume:** Ino halakanitha uuukuume nombili yeni nakuume koye mokuhokolola oohapu we dhi iinekelelwa. Iidhidhimika e to mwenene shoka waa na oku shi popya.

**(Dha fupipikwa)**

## OKUVALWA KWOMUNTU

**Aluhe otse aapangi miilonga yetu moshipangelo ohatu kuminwa unene okuvalwa kwokanona. Omwenyo omupe tagu holoka. Ihatu shi dhimbulula unene esiku ando ndyoka tu li po twa loloka nayi kiilonga, ihe uuna twa mwena kashona nokudhiladhila oshinima shika, ohatu kumwa noonkondo," osho omundohotola moshipangelo shaNandjokwe, Dr. Hanu Kyrönseppä, a hokolola moshituthi sheshasho lyokanona Katrina Ndinelago.**

Ookuume naashiinda yomumbisofyi ye vule 50, aatumwa naAwambo oya li ya gongalele moshituthi shika shomutekulu gwomumbisofyi ngoka a pewa edhina epe mongerki yaNii-pa eti-15.2.1970.

Omundohotola Kyrönseppä ngoka a li po omuthikameni gwokanona pamwe nameme Kyrönseppä, okwa ti kaayenda yoshituthi:

"Aanandunge yongashingeyi otaa ti kutya yo oye li pokutseya oombinga adhihe dhetameko lyokanona, notaa vulu okulongekidha wo omwenyo omupe gu tameke. Moondunge ndhika omuntu ita pumbwa Kalunga."

"The omugoya oti itile momwenyo gwe kaku na Kalunga," osho omundohotola a koleke mokulesha oohapu dhEpsalmi. Okwa tsikile natango kutya Kalunga Oye mwene a shiti omuntu oshifetha she mpoka omwenyo gwa tameke. Osho tagu tsikilathana ngaka.

"The otse aantu aanandjo tatu pumbwa Kalunga, nopashipango shOmuwa otwa pewa ekwatathano ewanawa sho taku ti: Tala ongame ondi li pamwe nane omasiku agehe sigo ehulilo lyuuyuni.

Shika osho tashi tu tsu omukumo moshimpwiyu twe shi pewa. Tate Natangwe nameme Justiina Auala, he nayina yokanona, oya ningi oshituthi shehambelelo sha tya ngeyi omolwenyanyu lyawo sho



**Okambo "Meme onda za peni," otaka gandja uyelele owindji metameko lyomwenyo gwoshinamwenyo kehe. Oke li mostola yOmambo.**

Kalunga okwe ya ningile paindilo lyawo. Sho yu uvite elago, okaana oka lukwa **Ndinelago.**

Otaa indile omagalikaneno moku-putudha okamwanakadhona kawo.

Manga oshituthi inaashi halakana osha li sha popithwa komuyenda omusimanekwa Omusoomi Rev. Paavo Maunula kutya, enyanyu ndika olyoshiyimati sha za mondjokana ihe aluhe otse aakuni manga Kalunga ota kokitha.

# NEPADI LIFAKULA

Mongudumbibeli yetu omwa li omumati umwe wetu ependa nomu-diinini. Okwa li ha imbi ombaafa kuhena vali, shapu to ti ovanhu vatano. Omolwaasho okwa lukwa Kaxumba.

Omafimbo amwe Kaxumba eshi a endaenda keembinga neembinga doshilongo, okwe litwa ko Nekodolo komulamba ta yela nawa. Ye Kaxumba e mu kola vali. Ongudumbibeli e yi pilamena, olwiimbo e li pa ombuda. Kwinya kongerki iha tale ko vali. Shimha tu a kutuka ye okwa faduka po a yuka komulamba kuNekodolo.

Kaxumba okwa li e na po omhadi yakula. Ominwe daye mbali dokeemhadi oda li dile di dule dikwao. Komulamba oko hava uhalano Nekodolo okwe liluka ko edina lemufewa unene, vati oye Nepadi lifakula, nenwe hali kodola momilamba ihali tila nomamanya, tali landula Nekodolo. Komulamba okwa mona ko ondjabi yaye ye mu wana.

Efiku limwe manga ta va kondjile Nekodolo, okwa dengwa nemanya komulungu wopombada nowa tauka pokati. Omayoo atatu opombada ofilu. Momutwe okwa mona eembole dawana, shalongo pali Ndohotola ta endebele hanga a ya konakupila. Nekodolo ote mu talifa nee nawa, ta pange ngaashi a hala. Onguloshi keshe ota indile a pewe ekende lombelendi, ongula eshi ta penduka okwa hala ekende loSavoya nokapakete koushekeleta ko 50. Oumaliwa Nepadi a li navo ofilu, oikutu a pelwe kovahona vaye e i landa po oimaliva a ka lande omakende a pe Nekodolo waye. Ehalasha lotombo ine li hala eli hali kosho ofilinga, vati ye kefi okaafala.

Onguloshi imwe Nepadi eshi a li ta fakula nondjila yaye ta shikula Nekodolo komulamba, ondjila yaye oye mu twala popepi nondjuwo oyo hai longelwa olwiimbo. Manga te ya popepilela nondjuwo okwa uda omaimbilo taa imbwa. Nepadi a fikama manga ta pwiliki-

ne a fa a kanghwa. Okwa kala po konyala oule wovili ta pwilikine. Okwa dimbulukwa pefimbo a li mongudu mwinya nokwa hala okuya mo ndelene okwa fya mo ohoni. Konima okwa tokola a fakule nondjila yaye.

Efiku olo ina kofa nande, oshe-shi omaimbilo otaa kelengedja unene momwenyo waye. Ongula eshi kwa sha Nepadi ta ifana omushiinda shaye Josef nde ta pula:

“Oolye ve li kombaafa paife hanomolwiimbo?”

“Ovo ngaa ava va kala ko shito.”

“Onguloshi kaume onda enda pondjuwo yeni yolwiimbo ndele omaimbilo okwa li taa ende po nawa, nokwa etela nge nokuli odjuulufi inene. Mongula ohai tameke olwiimbo letu nokuli. Eengeda dokomulamba nde di loloka, inai di hala tuu vali.” Apa Josef ota tu omunwe medu osheshi paife omeva a mona oupitulo, paife ota dulu oku mu pukulula osheshi nale okwa kala e mu nyenga.

“Tala kaume, ouwa woshilongo eshi nande u landula ito u hange.

## OLWISHO LA KANIFIFA VAHAPU ELALAKANO LAVO

Moshilongo shonhumba omwa li mu na omushamane Nima. Okwa li e na omona okakadona ewifa, ndele oka li kawa unene. Okakadona eshi kakula okavalekwa komulumenhu. Inapa pita omafiku mahapu, ka valekwa vali kuumwe. Nokonima omutitatu okwe ya vali.

Ovalumenhu ava okwa li va shiivika kuxe yokakadona. Eshi ngo ka wana mehombolo, xe okwa diladila kutya, ondi na okuninga ngahelipi o po ndi mone mo moitenya ou ta hombola omona wange?

Omushamane winya okwa ifana oitenya yaye. Eshi ye ya okwe i tuma koshilongo shokokulekule i ka tale onunima vaye. Oitenya inya oya dulika kuxekulu noya ya. Eshi ya fika moshilongo shinya, oshilongo osha li shiwa unene, shi na eliko lihapu. Oshitenya shimwe osha landa mo odila shikwao tashi lande mo efano lokuminikila kokule, shikwao tashi lande mo okakende komuti womwenyo.

Ndele oshitenya eshi shefano lokuminikila osha lombwela vakwao tashi ti: Handiya ndi tale keumbo eshi shi li ko! Ndele eshi sha minikila ko osha mona okakadona kavo ke li mouyehame munene.

Eshi a lombwela vakwao, ou wodila okwa ti, londeni tu yeni. Oma-

Tala, paife owa kanifa nee shihapu omulungu owa tauka omayoo ku a na vali oimaliwa noikutu shiimba ofilu, owa likola mo nee shike?”

Nepadi: “Paife onda hala okudimbwa ashishe. Onguloshi ngenge wa kutuka ila u pitule nge tu ye kolwiimbo,” osho a indila Josef.

Onguloshi moshooongalele okwa kala mo ngomweenda. Ovanyasha vakwao vokombaafa eshi ve mu mona ove mu hakana, keshe umwe ote mwiifana a kale pokati kavoo. Nepadi okwa dimbuluka kutya mboli ongudu ei oyetu, onghe okwa indila komuwiliki e mu pe efimbo lokupopifa vakwao.

“Vakwetu, aame umwe womongudu ei, onda li nda pewa ouyamba munene mongudu ei, ndele uyamba aushe oo onde u halakanifa po mounyuni, nongaashi tamu tale nge omulungu wange owa tauka nomayoo ange okwa kana, oimaliwa noikutu nda li nayo aishe ofilu, paife ondi li po hamakasha. Ohandi indile mu tambule nge mongudu ei.”

Omona womailikano iha kana.  
A. Haileka

nga veli mondjila okakadona okaxulifa nokuli, ndele eshi va fikapo pooxemweno omumati wokakende komwenyo okwe ka kufa ndele ta tula komayulu okakadona, ndelene okakadona noka ninga omwenyo. Paife okakadona aka otaka ningi kalyelye?

Omushamane winya okwa li a tala oilonga yavo oi fike pamwe. Okwa lombwela oitenya yaye nde ta ti: “Mongula ileni keumbo lange, nde xulileni koluvanda. Ndi mu pe okakadona keni. Omushamane onguloshi okwa longekida okamona, nde te ka pe oimaliwa yako ya tonyenwa moshikaiwa. Ongula eshi kwa sha, ovamati venya ove uya koluvanda ngashi va lombwelwa. Omushamane okwa pitifa mo okamona nde ta ti:

“Okakadona keni okooko.” Okakadona eshi keuya povamati oka ti: Amushe ondi mu hole, ndele paife ohai faduka po ndele ou ta kwatange, oye ta hombola nge. Oka mangu-lula oshikaiwa shako nde taka faduka po. Pehovelo onhapo yavo oya li i fike pamwe, ndele mokutondoka kwavo ova mona oimaliwa tai shisha. Vavali ova enda tava toola oimaliwa. Umwe ina tala oimaliwa nde okwa endebele nde ta kwata okakadona, nokwa mona omufuko waye.



Kotokela  
oondunge  
dheyoka

## “IKONGELENI OIKULYA TAI KALELELE”

Mefimbo lopaife otaku popiwa unene oilonga yopasosiale nomadiladilo oo okuyakula eemhumbwe defiku keshe komunhu umwe ile kovanhu vahapu. Nekwafo li li ngaha oli li popepi nomaliudo o-munhu keshe, osheshi omunhu moluhepo laye a hala unene eshi te shi kumu, ile tashi mu tulumukifa.

Omwene Jesus moilonga yaye yopaKalunga ina kwafa ashike eemhumbwe dokomwenyo, okwa yakula ovanhu meemhumbwe dokolutu yo. Ovanhu omayovi ve mu hokwa, nde tava di keembinga daTiberias nokutaulukila kuKapernaum va konge Jesus. Kape na etumbulo liwa li dule eli ovanhu tava kongo Jesus.” Osheshi nOmbibeli osho tai tu longo: “Kongeni Omwene manga ta monika, nye mu mu ifane manga e li popepi” Jes.55:6. Noku na eudaneko liwa: “Ou ta kongo ota mono.”

Eengudu da li da hafa eshi va mona Jesus, otava pula: Omuhongi owe ya po naini apa? Nepulo eli la yeululila Jesus oshivelo oku va longa evangeli laKalunga. A hala okumangela olutu nomwenyo ku mwe: “Inamu likongela oikulya oyo tai xulu po ashike.” Kongeni yo oikulyaa tai kalelele.

Ovanhu venya nande va fa ve va o-moloikulya, opa li yo eshilo va shilwa kuKalunga ou a tuma Jesus. Omolwaasho Omwene Jesus ta ti: Kape na ou te ya kwaame, okuninga Tate ou a tuma nge te mu shili: Joh.6:44.

Mehongo e li laJesus ovanhu va diladila oikulya ei tai lilongelwa ngashi ovanhu va ika eendjabi, opo va pewe oikulya, otava pula: Natu ninge shike tu longe oilonga yaKalunga? Jesus ta ti: “Itaveleni ou a tumwa kuYe”:

Eitavelo inave li uda ko, ova ha la omadidiliko oo tae va etele eitavelo. Ndele Jesus eshi a tya: “Itaveleni,” okwa hala okutya tambuleni oshali oikulya yomwenyo mu hena oilanda. Tambuleni oshali

### Omaganano ga pewa Etumo

Epangelongerki lya taamba nepandulo omaganano ga gandjwa kookuume kEtumo muSweden, Europa, R 275. 07. Omukuluntutumwa a pewa oshimpwiyu a nyole ombilive yepandulo kookuume mbeyaka.

shomwenyo sha dja meulu shi dule omaano ooxo va lya nde va fya. Vali omungome winya wa liwa kooxo inau liwa kounyuni aushe, ndele Jesus a hala okuyandja oikulya ei tai pe ounyuni aushe omwenyo. Noikulya ei otai ningi meni lomunhu ofifiya yehepuluko. Omunhu ita fi vali ondjala nenota fiyo alushe.

Kaume omuholike waKalunga, likongela yo oikulya ei tai kalelele. Ondi shi shii kape na ou a mwena mokukonga oikulya yokolutu, ndele tu dimbulukeni, otwa ifanwa komungome womwenyo oJesus Kristus, ou onghela nonena no siyo alushe.

Kalunga ne tu pendulile Omhepo yeilikano eli: “Omwene tu pa alushe oikulya ei”. Amen!

P. Andreas



### YA GALUKILE KOWAMBO

Aapangi yatatu Anna Taapopi, Rakel Kaukungua naLoide Amukwaya, oya galukile ishewe kOwambo konima yomimvo 2½ sho ya longo oshilonga shuupangi moshitayingerki shaKavango. Pehulilo lyomumvogu sho ya thiki pOniipa oya hokolola oshilonga shawo nkene sha li sha mono omayambeko gaKalunga, nando osha li po nga oshidhigu. Euvito lyawo olo ndika kutya oya li ya nyanyukilwa noonkondo okulonga mokati kaamwayina mbeyaka.

Ngashingeyi meme Anna okwa tsikile oshilonga she moshipangelo shaNgela, manga meme Rakel nameme Loide taa tsikile oskola yuvalithi mOnandjokwe. Otu shi shi Kalunga mwene ta kala wo oonkondo dhawo nampaka mOwambo.

### EOPALEKO

Omiyalu dhaagundjuka dha tumbulwa mOmukwetu No. 3, otadhi opalekwa ngeyi: Omwaalu gwegongalo lyaLukonda ogwo R218.00 naR280.00 ngashi sha nyanyangidhwa. Nomwaalu aguhe gwoshitayingerki shaNdonga R1031.53.

Olukonda olwo ngaa lwa sindana mongerki ayihe nooR218.00. Oshitayingerki sha sindana osho shUuninginino R1055.22. na Ondonga tayi landula ko nooR1031.53.

K. Dumen



Omusitagongalo Eino Amaambo

## ELUNDULULO LOMBIBELI

Oshilonga shelundululo lOmbibeli melaka lovadalelwa mo vomuSuidwes-Afrika, osha ehena komesho unene, nomilonga dihapu da kala mondjila yoshilonga eshi oda taunhukwa paife. Hanga elaka keshe muSuidwes-Afrika otali leshwa mOmbibeli, naavo vehe i kwete shihapu osha longikidwa.

Mongerki yaElok omufitaongalo Eino Amaambo okwa tumwa okudja pexulilo lomudo waya kuEngland okuhapupalifa eewino domoshilonga shokulundulula lOmbibeli melaka lOshindonga. Mombilive e i shangela Epangelongerki la fimana, omufitaongalo Amaambo ota ti kutya ye oku udite naanaa elao olo eshi a monifwa omhito ya tya ngaha yokulihonga okuwapeka lOmbibeli melaka laye.

Kwinya muEngland okwa kala omutumba moshipundi shomufitaongalo Asser Lihongo, oo a kalele ko eedula nhe, molwelundululo lOmbibeli moRukwangali. Paife omushamane Lihongo oku li mokati ketu meongalo Rupara, Okavango nokulipyakidila noshilonga, osho e shi tekulilwa.

Tate Amaambo nande a tetwila elihongo laye pokati muAmerika, omolwelundululo lOmbibeli li ende-lele ngeno, ohatu mu halele oupuna muhapu weendunge te di pumbwa efiku keshe, ye Omwene a tenheke eke laye longhenda kombada yeumbo lavo pOniipa. Fimbo Amaambo ina hovela etundi daye muEngland, okwa hangika e lipyakidila noshilonga osho. Evangeli paMateus okwa fiya li li pokupwa.



Dr. M.J. Olivier

Osha hololwa luhapu moifo nokutya kOmufala Omukulunhu wovalaule Dr. M. J. Olivier waShakati, ota efa po oshilonga shayeshomokati kOvawambo nota tambula ewiliko lofikola yovatilyaane muRepublika. Omushamane Olivier okwa longa eedula nhe mOwambo nota shiivika kuvahapu. Omushamane De Wet langhele kwinya kOutjo, oye a fanekwa a ninge omushikuli waOlivier. Shiimba epangelo lOwambo otali ke mu kunda paife shimha tuu oinima ya kufwa mo nawa.


## Ombimbeli yOshikwankala

Oku na ngashingeyi onkambadhala onene yokumonena Aakwankala (Boesmans) Ombimbeli melaka lyawo yene, netseyitho ndika olya gandjwa komusita Johannes Ries, amushanga gwEhangano lyOombimbeli muSuid-Afrika.

Nonando kaku na manga oshinyolwa shilwe shelundululo melaka ndika, omanyolo gogene gOshikwankala oga pwa nale, melongelokumwe nombelewa yomalaka gAavalelwa mo mOvenduka.

Omusita Ferdi Weich omutumwa mokati kAakwankala, gwomongerki yOombulu otaka kwatha moshilonga shelundululo mewiliko lyEhangano lyOombimbeli.

Efatululo ndika olya gandjelwe omumvogu moshigongerki shOombulu mOvenduka.



Eshina lyolutenda nalyo ohali eta iiponga iidhigu ngele inali tonatelwa.

## A KA TULUMUKWA NEHAFO

Tatekulu Herman Nakambunda okwa ya metulumuko, eshi e tu fiya po 11 Januari 1970.

Oye okwa dalelwa mOputu mounyuni waMweshipandeka, nokwa dja ko nde te uya okukala mEngela eedula nhe fimbo ina shashwa. Mengela okwa tewa mo nde te uya okunangala omukunda Oipapakane 1927. Okwa ninga efimbo lile moupaani e na ovakulukadi 8, ndelene 1957 okwe va tamo aveshe nde ta fii mo umwe aeke, meme Ndalyaala Haihambo.

Mo 1966 tatekulu Herman okwa ya mofikola nokwa shashwa Herman na meme a ninga Rakel. Omukunda okwe u lela eedula 40.

## VAHAPU VA KANIFA OVANA MUJOHANNESBURG

Eshina ole lidenga moBesha yonona vofikola muJohannesburg nonona 23 ova fila moshiponga eshi. Vahapu ova ya moshihakulilo ve li ponghatu ii. Ooina nooxe eshi va etwa pongulu yomidimba opo keshe a yongole po ngeno waye,

vahapu ova ya ashike oshitelele itava dulu vali okufikama nokutala ko koixuna i fike opo. Vati opa li eefya da kula.

## DIE AFRKANER

Epangelo lyaS.A. olya mona aakondjithi taa zi mulyo, oshoka aniwa olya peguka mo momusindalongo gwaMalan naVerwoerd, noya lukwa aadhikululi yaNasionale (H.N.P.). "Die Afrikaner," oshifo shawo sha totwa nuumvo hashi zi moshinyanyangidho shaDurban. Oshifo shika ohashi holoka oshiwike kehe, shi na omapandja 40, ngoka ga humbatela mo omafano, oonkundana nomaudhano, oonkundana dho dhe ne nosho tuu omahokololo galwe gokulesha.

## Omambo omaholekwa

Okomisi yokukonakona ootekisti dhomOmbimbeli muNdowishiland oya ti kutya nuumvo elundululo lyomambo gaApokrive (omambo gamwe gOmbimbeli ihaaga longithwa nokage li mOmbimbeli) otaga ka nyanyangidhithwa mbala, oshoka elundululo lyo lyene olya pwa nale nokuli.

Mombimbeli yOshindowishi ndjoka ya li ya lundululwa kuMartin Luther omambo ngaka okwa li wo e ga tula mo pokati kEtestamendi Ekulu nEpe.

"Elundululo lyOmbimbeli yOshindowishi ndyoka lya ningilwe pomathelemimvo 16, ngashingeyi oli li ihe puku uvika ko melongitho lyayo, unene mokuwilika ootekisti oonkwawo dhOmbimbeli. Ovelise yontumba membo lyaApokrive nge tayi ulike ehunganeko lyasha mEtestamendi Ekulu, nena omuleshi ota kwatakanitha wo nEtestamendi

Epe, osho ta tseye nawa ngele ope na efaathano lyasha nenge aawe," osho Dr. Kurt Zabel omunashipundi gwokomisi, nomuwiliki gwEhangano lyOombimbeli muNdowishiland lyokuuzilo a hokolola.

Mongerki yaKatolika omambo ngaka gaApokrive oga simanekwa naanaa, notaga talwa ombinga yimwe yOmbimbeli.

## OMASHINA E LIDENGA MUMWE

Argentina—Ovanhu ve dule 200 ova fila moshiponga shomashina e lidenga mumwe muBuenos Aires, novahapu ova twalwa moshihakulilo.

Eshina loinima olo kwa li la tokelwa eevili nhano ole lidenga meshina lokweendifa ovanhu olo kwa li la fikama ashike. Ovapolifi, eendohotola novatonateli voilonga ova kala tava hade omidimba koshi yoinima noyotenda yomashina. Eembelela dovanhu noipambu yomalutu oya kala tai toolwa apeshe.

Ou na tuu eimbilo?

Omaimbilo oga holoka mOstola yOmambo, ila ano u ilandele otaga pula R 1.00 kehe limwe.



**Ou shi tuu aasitagongalo iimaliwa mpoka haye yi fala?**

Elandulathano lyoomwedhi ndhika tali landula mpaka olya kolekwa kEangelongerki li landulwe omumvo aguhe ngashi wo hashi ningwa shito, noongalo adhihe tadhi ka umbwa momasiku ngaka dhi longithwe ngashi sha fatululwa mpoka, nomusita ngoka inaa gandja ongalo yomesiku ndyoka, a fatulule nawa mpoka e yi fala.

Yelekanitha wo u tale oshiketha kehe kutya, otashi pewa iimaliwa yi thike peni omumvo aguhe, naanaa ngashi sha uthwa mpoka. Ihe dhimbulukwa wo kutya, omwaalu hagu monika olwindji mongalo ogwo nga R 1.00 sigo R 3.00 ngashi ho uvu tashi igidhwa mongerki. Egongalo limwe limwe tali thiki R 5.00.

Nge wa mono oshiketha shegongalo lyeni kutya, ngiika otashi vulu okutaamba iimaliwa yi thike peni momumvo, kongwa wo mpoka to mono efaneko lyiilonga yomegongalo mbyoka ya dhiladhilwa omumvo ngoka shoka tayi pula. Ayihe mbika otayi ku pe uyelele welongitho lyiimaliwa megongalo lyeni.

**Oongalo dhomalongelokalunga**

**Oshikethagongalo**

1 Januari	1970
8 Maalitsa	1970
17 Mai	1970
12 Juli	1970
9 Aguste	1970
25 Kotoba	1970
8 Novemba	1970
13 Desemba	1970

**Uudiakoni:**

a) Megongalo 8 Febuluali	1970
27 Maalitsa	1970
29 -"-	1970
Mongerki: 13 Septemba	1970
25 Desemba	1970
26 -"-	1970

**Etumo lyaanona:**

4 Kotoba	1970
----------	------

**Aagundjuka:**

a) Mongerki: 26 Apilili	1970
24 Mai	1970
b) Oshitayi: 12 Apilili	1970
14 Juni	1970

**Osikola yOsoondaha:**

15 Maalitsa	1970
-------------	------

**Oosikola:**

a) Yuusita 11 Januari	1970
15 Febuluali	1970
b) Yuuyevangeli	
30 Maalitsa	1970
30 Aguste	1970
18 Januari	1970
c) Aailongi: 10 Mai	1970

**Oshitayingerki:**

31 Mai	1970
15 Novemba	1970
27 Desemba	1970

**Pautho lyelelogongalo nomutonateli Ekwatho lyOnaanda**

6 Januari	1970
23 Aguste	1970
29 Novemba	1970

**Oshikethangerki**

4 Januari	1970
1 Febuluali	1970
1 Maalitsa	1970
5 Apilili	1970
3 Mai	1970
7 Juni	1970
5 Juli	1970
2 Aguste	1970
6 Septemba	1970
11 Kotoba	1970
1 Novemba	1970
6 Desemba	1970

**Etumongerki:**

7 Mai	1970
19 Apilili	1970
9 - 11 Juli	1970
16 Aguste	1970
22 Novemba	1970

**Etumoshitayingerki:**

22 Maalitsa	1970
26 Juli	1970
18 Kotoba	1970
20 Desemba	1970

**Omalweendo gaatumwangerki:**

21 Juni	1970
19 Juli	1970

**Mbimbelihangano:**

25 Januari	1970
28 Juni	1970
Radio: 27 Septemba	1970

**Iihauto yongerki:**

20 Septemba	1970
-------------	------

22 Febuluali	1970
--------------	------

Elimba la paka lameme Soomi Oupuna woludi keshe tau di mulo. Mo mwa dj'ovafita mwa dj'ovalongi. Ovo va kuni veembuto devangeli

2

Oupuna weendjovo daKalunga wa dja kuSoomi. Tau shingifwa kovanhu ve li ovaevangeli. Itavele ni, shashweni mu xupifwe, va lima va kuna vo pamwe nOmwene.

3

KoSoomi kwa dja eengudu di yadi ndo. Kwa dj' eengudu tadi hakula oshiwana. Keembinga neembinga kwa yadouhakulilo, shiwana, hatu ku tale wa tandavela.

4

Kwa dja ovadiakoni tava yakula, Inda meengudu doyoongalele tai hongwexupifo. Va kale nawa komwenyo kolutu yo, nge ino shi itavela, inga u ke shi mona.

5

Kwa dja vakongindjila veenhanda ditwima tava matuka, tava saluta ngovakwaita muKongo moushilo waShindungula. Shilando shilongo shiyad'eyakulo.

6

Vawambo atusheni tu panduleni, Pamba Namhongo Tate yetu mu tangeni, nale onyika inya oyepumba, paife ya ningwa hano yolusheno. Omwenyo wange hambelela Omwene, ove ino dimbwa ouwa e ku ningila.

Dorkas Fuma

**OMUKWETU**

Oshifo shOngerki onkwaevangeli paLuther yomOwambokavango  
Die Tydskrif van die Evangeliese Lutherse Ovambokavangokerk  
Oha zi mOniipa.  
Omukuluntu gwoshifo/Hoofredakteur Omumbisofi Dr. Leonard Auala,  
Amushanga/redakteur S.Ekandjo  
Ondando komumvo mOwambo 70c kUushimbanOkavango 90c  
Kombanda yomafuta R1.30.  
Oondando nomambestelo naga tumwe kOmukwetu,  
Oniipa, P/B. 2015 Ondangwa, S.W.A.  
Oshinyolwa shuule  
wondeimi 1 otashi futilwa R1.00  
oondeimi 2 -"- -"- R1.90  
oondeimi 3 -"- -"- R2.70  
oondeimi 4 -"- -"- R3.40  
oondeimi 5 -"- -"- R5.00  
Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa  
P/B 2015 Ondangwa S. W. A.